



Amcan Llesiant 6

Byw'n Dda - Creu mwy o swyddi a thwf ledled y sir

Adfywio yw prif flaenoriaeth y Cyngor - yn ystod 2018/19 fe wnaethom greu 419 o swyddi

Crëwyd y swyddi hyn drwy:-




Datblygu Busnes ac Ymgysylltu; Bwrsariaeth y Goleudy a Meithrin Busnesau; Cynlluniau Canol Tref Llanelli; Cronfa Mentrau Gwledig Sir Gaerfyrddin a'r Biwro Cymunedol

Hefyd drwy gynlluniau penodol Byd Gwaith, cafodd **951** o bobl gymorth i wirfoddoli a chafodd **137** o bobl gymorth i gael swyddi. Llwyddom i gael **£16.2m** o fuddsoddiad drwy'r sector preifat a thrwy gyllid allanol. Gwnaethom sicrhau **111** o swyddi mewn lleoliad newydd o ganlyniad i 5 prosiect Cronfa Datblygu Eiddo Masnachol ar gyfer Trawsnewid.

Pam y mae hyn yn bwysig

- Mae cynyddu cyflogadwyedd yn hanfodol i drechu tlodi a lleihau anghyfartaledd ac yn cael effaith sylweddol ar ein hiechyd a'n gallu i fyw mewn cymdeithas.
- Mae'n rhaid i ni fynd i'r afael â bwlch Gwerth Ychwanegol Gros (GYG) sy'n lledaenu rhwng GYG y DU a GYG Cymru; GYG yw mesuriad o werth y cyflogau a'r elw o nwyddau a gwasanaethau a gynhyrchir yn yr ardal.

Mesurau Llwyddiant

 <p>Ffigur cyflogaeth yw 71.6% (Ebrill 18 hyd at Mawrth 19) (73.7% o'r blaen) 15fed uchaf yng Nghymru Ffynhonnell: Swyddfa Ystadegau Gwladol – Poblogaeth Arolwg Blynyddol</p>	 <p>38% Cymwysedig hyd at NVQ Lefel 4 neu uwch @ Rhagfyr 2018 (yn flaenorol 37.8% Rhagfyr 2017) Ffynhonnell: StatsCymru</p>	 <p>82.5% yn fodlon â'u swyddi yn ystod 2017/18 11eg uchaf yng Nghymru (arfer bod yn 18fed) Ffynhonnell: Arolwg Cenedlaethol Cymru</p>
--	---	--

Egluro'r Canlyniadau

- Y ffigurau cyflogaeth** yn Sir Gaerfyrddin ar ddiwedd mis Mawrth 2019 yw **71.6%**, ac mae hyn i lawr o 73.7% y flwyddyn flaenorol. Mae hyn yn is bellach na chyfartaledd Cymru (73.1%) a chyfartaledd y DU (75.2%). Rydym hefyd wedi symud o'r 12^{fed} safle yng Nghymru i'r 15^{fed} safle. Mae'r ffigurau'n siomedig gan fod yr awdurdod wedi rhoi nifer o fentrau ariannu ar waith i ysgogi swyddi a thwf yn y sir ar ffurf y Gronfa Datblygu Eiddo, Cronfa Mentrau Gwledig Sir Gaerfyrddin a Grantiau Busnes.
- Mae **38%** o oedolion oedran gweithio sy'n byw yn Sir Gaerfyrddin **wedi'u cymhwyso hyd at Lefel 4 NVQ neu uwch** yn 2018, ac mae hyn ychydig yn uwch na'r flwyddyn flaenorol sef 37.8% ac ychydig yn uwch na chyfartaledd Cymru o 37.8%. Ni yw'r 9fed uchaf yng Nghymru gan godi o'r 10fed safle y flwyddyn flaenorol.
- Yn ôl [Arolwg Cenedlaethol Cymru](#) roedd **82.5%** o'r rhai gymerodd ran yn weddol fodlon neu'n hynod **fodlon ar eu swyddi**, ac mae hyn yn uwch na chanlyniad y flwyddyn flaenorol sef 80%. Rydym wedi esgyn o'r 18fed safle i'r 11eg safle yng Nghymru.
- Mae'r **Cyflwg Wythnosol Gros Cyfartalog** wedi lleihau 1.2% (o £517.8 i £511.4) ac mae Sir Gaerfyrddin wedi mynd o'r cyflwg pedwerydd uchaf yng Nghymru ar gyfer 2017 i'r 11eg uchaf yn 2018. Mae hwn yn uwch na chyfartaledd Cymru, sef £518.6. Mae hyn yn adlewyrchu amodau'r farchnad fusnes yn Sir Gaerfyrddin, ac mae'n anodd esbonio'r lleihad gan nad oes unrhyw resymau o bwys yr ydym yn ymwybodol ohonynt sy'n effeithio ar gyflogau.

Y cynnydd a wnaed

- ⊙ Cyflawni'r cynllun prosiect ar gyfer **Pentref Llesiant a Gwyddor Bywyd Llanelli**:
 - Wedi parhau i ddatblygu'r manylion ar gyfer cam 1 ynghyd ag ynni a seilwaith. Mae'r gwaith wedi cwblhau bellach hyd at ddiwedd gofynion Cam 2 Sefydliad Brenhinol Penseiri Prydain ac mae tendr ar gyfer gwaith archwilio'r ddaear wedi cael ei gynnal.
 - Mae'r cais Cynllunio Amlinellol ar gyfer y Pentref Llesiant wedi cael ei gymeradwyo a chydymffurfiwyd â gofynion perygl llifogydd Cyfoeth Naturiol Cymru.
- ⊙ Cafodd **Cronfa Fusnesau Sir Gaerfyrddin** ei lansio ym mis Gorffennaf 2018, i gefnogi sefydlu busnesau lleol. Mae wedi profi'n boblogaidd gyda'r gymuned fusnes.
- ⊙ Mae datblygiad yn parhau ar gyfer nifer o fentrau a phrosiectau sy'n helpu i gyflawni a chefnogi cynllun **trawsnewidiol Caerfyrddin, Rhydaman a Gwledig**, er enghraifft:-
 - Bu i brosiect Yr Egin, a arweinir gan y trydydd parti, agor ei ddrysau'n llwyddiannus ddiwedd yr haf, sydd wedi hwyluso adleoli pencadlys S4C i Gaerfyrddin ynghyd â nifer o fusnesau cysylltiedig
 - Prosiect Denu Twristiaid Pentywyn - mae'r gwaith wedi dechrau ar Brosiect Denu Pentywyn a fydd yn costio £7 miliwn ac yn cael ei gwblhau yn ystod haf 2020. Bydd hyn yn cynnwys amgueddfa Traeth y Gwibwyr newydd, eco-hostel â 42 o welyau, llecyn arddangos allanol, llecyn digwyddiadau, llecyn chwaraeon traeth, maes chwarae antur, gerddi'r amgueddfa a chyfleusterau parcio gwell.
- ⊙ Hyd yn hyn, o'r dyraniad cychwynnol o £2m o'r **Gronfa Mentrau Gwledig**, mae 16 o fusnesau wedi elwa ac mae pedwar ar ddeg o'r busnesau hynny bellach yn gweithredu yn eu safleoedd newydd neu safleoedd gwell. Mae hyn wedi arwain at fuddsoddiad mwy na £3m a chreu 64 o swyddi yn y Sir Gaerfyrddin wledig.
- ⊙ Byddwn yn parhau i ddarparu Cynllun Rheoli Cyrchfannau **Twristiaeth** ar gyfer y Sir Gyfan 2015-2020 ac yn cefnogi hybu Sir Gaerfyrddin fel lle deniadol o safon i aros ac ymweld ag ef.
 - Cafodd 41 o erthyglau o bwys ar Sir Gaerfyrddin eu creu gan y Cyngor yn y cyfryngau ac iddynt werth hysbysebu oedd yn cyfateb i £186,000
 - Mae ymgyrchoedd newydd lle mae pobl yn ymweld â mannau ffilmio'r gyfres 'Un Bore Mercher' a'r 'Llwybr Hen Bethau a Nwyddau Ail Law' ill dau wedi cael cryn dipyn o sylw yn y cyfryngau.

Set Ffilm – Sir Gaerfyrddin *Country File* yn cael ei ffilmio yn Llansteffan



Yr Aelod o'r Bwrdd Gweithredol
dros Ddatblygu Economaidd
Y Cynghorydd Emlyn Dole
(Arweinydd y Cyngor)



Cliciwch yma i gael gweld [ein cynnydd manwl](#)
o ran yr amcan hwn.